

E kanga aron kabonganan te tutuo ae tawe n te Antigen

Iai kakaoron taian kaetieti ni kaneti ma rinanin tabo ni karao bwainaoraki. Angin kete ibukin te tutuo ae tawe ibukin te antigen a iri nanon kaetieti aika inano ma tiaki ni kabane Taiioka ma ira ana kaetieti te tabo ni karao bwainaoraki ane e mwakoro iaon te bwaaki.

Anakin te tiamboro (sample)




1 Kanakoa te swab man nnena.



2 Karina te swab inanon bwangabwangan bwairim teuana tao 2-3cm mai mataniwin oon nanon bwairim.



3 Kaminoa te swab ni karauraua nimaua te tai inanon bwangabwangan bwairim nakon mataniwin oon bwairim. Kabongana te swab naba anne ao manga karaoa are ko a tia ni karaoia n bwangabwangan bairim are te kauoua.



4 Warekii kaetieti ake iaon te bwaaki ni kamatoa am tai are ko na kona iai ni wareka muin am tutuo. Tao e na iai kaoron taiaa ni ira kakaoron te kete.

Tuoan te tiamboro (sample)



5 Taekanako te aramanim are kainan te vial (bwaniiti) mai ieta, are kanoana te extraction puffer (te ran ibukin te tutuo)




6 Karina te swab inanon te bwaniiti. Kabaitiko kaminominoa te swab n aki kerikaki iaon nimaua (5) te tai.




7 Kanakoa te swab ni kaminoa nakon te bwaniiti, ao ni tirakia n rarikin te bwaniiti n te aro are e na nako te ran man te swab.



8 Kaina te bwaniiti (vial) ni kamatoa raoi matana are e roko mangaia. Renganna raoi n oreora bukin the tube.



9 Kabaraka te bwaniiti ao taua te tiamboro iaon manibwan te tiamboro. Karauraua ni koona te bwaniiti Katimtimwa mwaitin te timtim are iaon te kaetietei n te kete, kabwaka raoi nako nanon mwaniban te tiamboro.



10 Taiioka nora raoi te kaetietei iaon te kete ni kamatoa te tai are ko na kona n nora iai muin am tutuo.

Warekan muin am tutuo


Akea manin te aoraki

Teuana te rain irarikin te C e kaotia bwa akea manin te aoraki n te tutuo.




E reke manin te aoraki

Uoua te rain, teuana irarikin te C ao teuana irarikin te T, aio kanikinaean ae e reke manin te aoraki n te tutuo.



E buakaka ke e aki bwainaki muin te tutuo

Akea te rain irarikin te C e kaotia bwa e buakaka ke e aki bwainaki muin te tutuo.



Ribotinakin muin am tutuo

Kona riai n ribotina muin am tutuo. E kona ni karaoaki aei iaon My Covid Record.

Nakon te uebutiati ae **mycovidrecord.health.nz** ke tarebonia **0800 222 478** ao n taona option **3**.

Ngkana ngkoe temanna ae ko mena iaon te Close Contact Exemption Scheme, kona riai ni kaongoa am tia kamwakuri muin am tutuo.

